



**PLAN RADA I FINANSIJSKI PLAN
ZA PERIOD 01.01 - 31.12.2026. GODINE**

Vogošća, decembar 2025. godine



Plan rada i finansijski plan javne ustanove "Kulturno – sportski centar" Vogošća (u daljem tekstu: JU KSC Vogošća/Ustanova) za period 01.01 – 31.12.2026. godine, na prijedlog Direktorice JU KSC Vogošća, usvojio je Upravni odbor JU KSC Vogošća na 21. redovnoj sjednici, održanoj 15.12.2025. godine.

OBRADIVAČ

JU KSC VOGOŠĆA

Alisa Konaković, direktorica

PREDLAGAČ

Upravni odbor JU KSC Vogošća

Mehmed Jahić, predsjednik

Broj: 567/12/25

Datum: 15.12.2025. godine



SADRŽAJ

1.	UVOD	4
2.	OSNOVNE INFORMACIJE O USTANOVI.....	4
3.	VIZIJA, MISIJA I STRATEŠKI CILJEVI.....	5
4.	PLAN POSLOVANJA	7
4.1	PROGRAMSKE AKTIVNOSTI I ISKORIŠTENOST OBJEKATA	7
4.1.1	Programske aktivnosti iz oblasti kulture i zabave.....	7
4.1.2	Programske aktivnosti iz oblasti sporta	12
4.1.3	Iskorištenost objekata kojima Ustanova upravlja.....	16
4.2	PLAN UPRAVLJANJA LJUDSKIM RESURSIMA	22
4.3	PLAN INVESTICIJA I RAZVOJA.....	24
5	FINANSIJSKI PLAN.....	24
6	ZAKLJUČNA RAZMATRANJA	27

1. UVOD

U skladu sa zakonskom obavezom JU „Kulturno – sportski centar“ Vogošća (u nastavku JU KSC/Ustanova) sačinjava planske dokumente i dostavlja ih na utvrđivanje i usvajanje organima upravljanja te Resornoj službi, Načelniku i Općinskom vijeću Vogošća.

Plan rada Ustanove za 2026. godinu najznačajnije opredjeljuje:

- ✓ planirani prihod Osnivača, viših nivoa vlasti i povećanje vlastitih prihoda
- ✓ planirani rashodi u skladu sa programskim aktivnostima, kapitalnim i investicionim ulaganjima te rashodi redovnog poslovanja
- ✓ planirane i osmišljene aktivnosti/projekti radi realizacije vlastitih prihoda
- ✓ planirane i osmišljene aktivnosti/projekti od interesa za Općinu Vogošća
- ✓ objektivno planiranje troškova poslovanja

Posebno se ističu sljedeći planski ciljevi:

- ✓ kontinuirano i nesmetano obavljanje registrovane djelatnosti
- ✓ unapređenje kvaliteta usluga
- ✓ kapitalni projekti koji će se realizirati uz finansijsku pomoć Budžeta Općine Vogošća i viših nivoa vlasti kroz projekte poboljšanja.

Ostvarenje planskih ciljeva obezbijediće kvalificirana, osposobljena i motivirana radna snaga.

Plan rada za 2026. godinu metodološki je koncipiran na način da prezentira i opisuje poslove i zadatke koji treba da osiguravaju realizaciju postavljenih ciljeva.

2. OSNOVNE INFORMACIJE O USTANOVU

Ustanova je osnovana u maju 1996. godine kao pravni sljednik Radničke organizacije „Kulturno – obrazovni i sportsko – rekreativni centar“ (RO „KOSRC“) Vogošća nastale 1986. godine integracijom Radničkog doma Vogošća koji je poslovao od decembra 1956. godine i Sportske dvorane koja je izgrađena maja 1980. godine.

Osnovna djelatnost JU KSC je pružanje usluga građanima Vogošće u oblasti kulture, sporta i rekreacije. Pored toga, Ustanova se bavi iznajmljivanjem resursa i poslovnih prostora od čega i ostvaruje najznačajnije prihode.

JU KSC upravlja slijedećim objektima:

- Upravna zgrada „Jasmin Isanović – Žuti“ u kojoj se nalazi sjedište Ustanove, Biblioteka, Kino sala, Foaje te poslovni prostori koji se izdaju pod zakup

- Sportska dvorana „Amel Bečković“ sa pripadajućim resursima: Malonogometni teren, teniski tereni, teren za boćanje
- Stadioni „Hakija Mršo“ i „Ešef Ešo Pustahija“
- Bazen JU KSC.

Ustanova je osnovana za obavljanje djelatnosti u oblasti kulture, sporta i rekreacije te pružanjem usluga udruženjima i građanima Općine Vogošće svakodnevno doprinosi poboljšanju kvaliteta života i zdravlja svih generacija i populacija.

U skladu sa odredbama Uredbe sa zakonskom snagom o ustanovama, organi nadzora i upravljanja Ustanovom su:

- Nadzorni odbor (broji 3 člana) i
- Upravni odbor (broji 5 članova).

Organ rukovođenja Ustanovom je Direktor čiji mandat traje 4 godine. Ustanova svoje poslovanje i obavljanje registrovanih djelatnosti realizuje kroz 4 organizacione jedinice koje nemaju status zasebnih pravnih lica već se radi o praktičnom objedinjavanju procesa uobzirujući i potrebe upravljanja objektima. Tako su organizacione jedinice slijedeće: Kabinet direktora (1/4), Sektor za kulturu i ekonomsko-pravne poslove (5/9), Sektor zajedničkih poslova i upravljanja Sportskom dvoranom (10/11) i Sektor upravljanja bazenom (4/8)

3. VIZIJA, MISIJA I STRATEŠKI CILJEVI

Vizija

Ustanova teži da postane prepoznatljiv centar kulturnog i sportskog života zajednice, mjesto koje povezuje građane, podstiče kreativnost, zdrav način života i međusobno poštovanje. Naša vizija je društvo u kojem su kultura i sport dostupni svima, doprinose razvoju ličnih potencijala, jačanju zajedništva i unapređenju kvaliteta života.

Misija

Misija Ustanove je da kroz organizaciju i realizaciju kulturnih, umjetničkih, edukativnih i sportskih programa omogući građanima aktivno učešće u društvenom životu, afirmiše lokalne talente i tradiciju, te promoviše vrijednosti zdravog i aktivnog življenja.

Kao javna, neprofitna ustanova, svoj rad zasnivamo na principima dostupnosti, inkluzivnosti, saradnje i odgovornog upravljanja javnim resursima.

Strateški ciljevi:

1. **Razvijati i unaprjeđivati kulturne i sportske programe** koji odgovaraju potrebama i interesima građana svih uzrasta.
2. **Podsticati aktivno učešće zajednice** kroz volonterske, edukativne i rekreativne aktivnosti, s ciljem jačanja društvene kohezije.
3. **Unaprijediti infrastrukturu i tehničke uslove** za realizaciju kulturnih i sportskih događaja, uz racionalno korištenje raspoloživih sredstava.
4. **Pružati podršku lokalnim stvaraocima, sportistima i udruženjima**, te podsticati međusektorsku saradnju između obrazovanja, kulture i sporta.
5. **Promovisati inkluzivnost i dostupnost**, osiguravajući da svi građani, bez obzira na uzrast, pol, socijalni status ili sposobnosti, imaju jednak pristup programima Ustanove.
6. **Razvijati partnerstva sa lokalnom zajednicom, institucijama i donatorima** radi unaprjeđenja kvaliteta i obima ponude programa.
7. **Kontinuirano usavršavati kadrove** kroz stručno obrazovanje, razmjenu iskustava i praćenje savremenih trendova u oblasti kulture i sporta.
8. **Uspostaviti sistem evaluacije i praćenja rezultata** realizovanih programa, kako bi se osigurao kvalitet i transparentnost rada.
9. **Podsticati digitalizaciju i modernizaciju rada Ustanove**, uključujući razvoj online platformi za informisanje i uključivanje građana.
10. **Jačati kulturnu i sportsku ponudu za djecu i mlade**, kroz programe koji razvijaju kreativnost, timski duh i odgovornost.
11. **Razvijati programe međugeneracijske saradnje**, s ciljem povezivanja starijih i mlađih članova zajednice kroz zajedničke aktivnosti.
12. **Podsticati održivi razvoj u oblasti kulture i sporta**, promovišući ekološki odgovorno ponašanje i korištenje zelenih praksi u radu Ustanove.
13. **Promovisati kulturnu raznolikost i očuvanje nematerijalne kulturne baštine** kroz manifestacije, radionice i saradnju s lokalnim zajednicama.
14. **Unaprijediti komunikaciju i promociju aktivnosti Ustanove**, putem savremenih medijskih kanala i aktivnog odnosa prema javnosti.
15. **Stvarati uslove za privlačenje dodatnih izvora finansiranja**, kroz projekte, grantove i saradnju s domaćim i međunarodnim partnerima.

4. PLAN POSLOVANJA

4.1 PROGRAMSKE AKTIVNOSTI I ISKORIŠTENOST OBJEKATA

4.1.1 Programske aktivnosti iz oblasti kulture i zabave

JU KSC Vogošća u svom planu i programu ima zadatak i obavezu prije svega stvaranje kulturnog ambijenta i pozitivne klime za realizaciju kulturnih sadržaja i programa na području općine Vogošća, kako za naše najmlađe građane, tako i za zrelu publiku. Podizanje nivoa svijesti građana i izgradnja kulturnih potreba jedan je od primarnih zadataka koji se mogu ostvariti uz adekvatno ulaganje. Taj cilj smo proteklih godina u velikoj mjeri i ostvarili. Izgraditi i odgojiti konzumente kulturnih sadržaja možemo samo uz pomoć cjelokupne lokalne zajednice i uz podršku nadležnih službi općine Vogošća, kao i ostalih ustanova i nevladinih organizacija koji egzistiraju na području naše općine. U proteklih nekoliko godina nastojali smo povećati nivo i broj kulturnih sadržaja, te ostvariti visoki nivo realizacije kulturnih sadržaja i programa, postaviti zavidan standard koji uz adekvatna i blagovremena finansijska ulaganja možemo pratiti i čiji kvalitet, uz nešto dodatnih finansijskih ulaganja, možemo podizati na još viši nivo. Kontinuirano želimo i nastojimo dodatno osvježiti vogošćansku kulturnu scenu sa novim programima i sadržajima, a sve prema potrebama naših građana, ali realizacija većine manifestacija uslovljena je finansijskom mogućnošću ustanove, kao i spremnošću i tehničkim mogućnostima naših saradnika.

Objekti koji su od kulturnog značaja naše općine i koji su nosioci najvećeg broja programskih sadržaja imaju veliku potrebu za rekonstrukcijom i dodatnim tehničkim ulaganjima, a to se prije svega odnosi na prostor kino sale i bibliotečki prostor, koji je za sadašnje i savremene standarde i potrebe nedovoljan i ne može odgovoriti savremenim izazovima. Potrebno je adekvatno zagrijavanje kino sale, kao i klimatizacija za programe koji se izvode tokom ljetnih mjeseci. U narednoj godini imamo u planu nastaviti sa realizacijom kvalitetnih projekata, te nastojati osvježiti kulturnu scenu sa nekim novim programskim sadržajima i na taj način obogatiti kulturni i javni život i ostvariti kontinuitet. Nastojat ćemo svakog mjeseca održati po jedan ili dva programa koji će zadovoljiti potrebe građana.

U proteklom periodu ostvarili smo kvalitetnu saradnju sa udruženjem Sahan, udruženjem BZK Preporod i udruženjem Teta Pričalica iz Vogošće sa kojima smo zajednički realizovali nekoliko projekata, te ćemo i u narednom periodu nastaviti saradnju sa ovim udruženjima. Naredne godine planiramo nastaviti saradnju i sa vogošćanskim horom Nota sa kojim smo ove godine realizovali

nekoliko programa. Naši saradnici na realizaciji većine naših programa jesu vogošćanske osnovne škole i predškolske ustanove, a nastojat ćemo taj nivo saradnje ostvariti i naredne godine. Otvoreni smo za saradnju i sa ostalim vogošćanskim udruženjima koji imaju kvalitetne projekte i prijedloge i nadamo se da ćemo povećati broj nevladinih organizacija s kojima ćemo sarađivati s namjerom stvaranja što boljeg i kvalitetnijeg kulturnog i javnog života. U cilju realizacije naših programa i aktivnosti, očekujemo potporu općine Vogošća, Ministarstva kulture i sporta KS i FBiH, Turističke zajednice KS, te Ministarstva civilnih poslova Bosne i Hercegovine.

Za narednu godinu planiramo realizovati:

Obilježavanje Dana nezavisnosti BIH i konkurs za najbolji prozno - literarni rad

Povodom Dana nezavisnosti Bosne i Hercegovine, Ustanova će u saradnji sa Općinskim vijećem Vogošća te osnovnim školama i srednjoškolskim centrom Vogošća upriličiti kulturno – zabavni program u okviru Svečane sjednice Općinskog vijeća. Takođe, svake godine JU KSC Vogošća tradicionalno provodi konkurs za najbolji prozno-literarni rad za učenike vogošćanskih osnovnih škola. Ova aktivnost provodila se sa više ili manje uspjeha i zainteresovanosti djece i škola, a smatramo da ovaj sadržaj treba uzdići na viši nivo, kako kvaliteta, tako i broja učesnika. U svakom slučaju, ovaj konkurs planiramo realizovati i naredne godine.

Pozorišna predstava za djecu

Svake godine ostvarujemo saradnju sa dječijim pozorištima koji za vogošćanske učenike prirede prigodne edukativno-zabavne predstave. Tokom naredne godine ovaj sadržaj nam je jedan od bitnijih i imat ćemo zadatak organizovati nekoliko kvalitetnih predstava.

Pozorišna predstava za odrasle

Takođe, kada je riječ i o pozorišnim predstavama za odrasle, jedan od imperativa tokom naredne godine bit će obogaćivanje kulturnih sadržaja iz oblasti pozorišne umjetnosti. Realizacija nekoliko vrlo kvalitetnih predstava za vogošćansku publiku bit će cilj za 2026. godinu.

Obilježavanje 15. aprila, Dana Armije Republike Bosne i Hercegovine

Dan Armije RBiH obilježavamo u saradnji sa boračkim organizacijama općine Vogošća i sa vogošćanskim osnovnim školama. I u narednom periodu smatramo da možemo dati kvalitetan doprinos u obilježavanju ovog bitnog historijskog datuma. Jedan od načina kako planiramo obilježiti ovaj dan jesu i Igre bez granica za učenike osnovnih škola koje će biti održane u sportskoj dvani.

Posjeta sajmu knjige i nabavka novih knjiga

Nabavka knjiga za potrebe naše biblioteke je kontinuirana aktivnost koju obavljamo tokom cijele godine. I naredne godine, u skladu sa svojim finansijskim mogućnostima, planiramo posjetiti proljetni sajam knjige u Skenderiji, te zimski salon knjige koji se održava u mjesecu decembru.

Obilježavanje Svjetskog dana knjige

Obilježavanje Svjetskog dana knjige već nekoliko godina JU KSC prigodnim svečanostima obilježava u saradnji sa osnovnim školama. I naredne godine nastavit ćemo tu tradiciju, a cilj nam je da u naše prostore dovedemo nekog od dječijih Bh pisaca koji bi se tim povodom predstavili djeci.

Akcije upisa u biblioteku

U cilju povećanja broja korisnika vogošćanske biblioteke i popularizacije čitanja, već nekoliko godina provodimo akciju upisa u biblioteku, što se pokazalo vrlo opravdanim i što je dalo velike rezultate. Naredne godine uz podršku Općine Vogošća planiramo realizovati septembarsku akciju besplatnog upisa za sve vogošćanske učenike i studente, kao i prednovogodišnju akciju prilikom koje svi građani imaju mogućnost upisati se u biblioteku uz 50 % popusta cijene.

Organizovanje školskih i predškolskih posjeta biblioteci

U cilju promocije biblioteke i razvoja kulture čitanja i pisane riječi, svake godine organizujemo grupno gostovanje djece iz predškolskih ustanova i učenika osnovnih škola. Tokom 2026. godine planiramo ugostiti naše najmlađe kako bismo na taj način promovisali pisanu riječ i razvijali kod djece ljubav prema knjizi.

Kino projekcije

Filmske projekcije u kino sali su jedan od programa koji su vrlo interesantni vogošćanskoj publici i koji imaju zapaženu posjetu. JU KSC Vogošća planira u narednoj godini dovršiti projekat opremanja kino sale savremenim projektorom i razglasom što će omogućiti prikazivanje crtanih, igranih, dokumentarnih filmova mjesečno.

Takođe, planiramo i tematske projekcije filmova za učenike osnovnih škola i Srednjoškolskog centra Vogošća.

Svakako ćemo nastojati obezbjediti najnovija filmska ostvarenja našoj publici.

Promocije knjiga

Promocije knjiga su sadržaji kojih u Vogošći u posljednje vrijeme imamo sve više. Tu vrijednu i zapaženu aktivnost nastojat ćemo dodatno obogatiti uspostavljajući saradnju sa istaknutim Bh piscima, a BZK Preporod iz Vogošće koji je obnovio svoj rad će svakako biti jedan od bitnijih saradnika na polju promocije knjiga i književnih susreta. Cilj nam je da ovakve programe održavamo i u saradnji sa Društvom pisaca BiH i osnovnim školama, te da na taj način knjigu približimo čitalačkoj publici. Naredne godine planiramo realizovati nekoliko promocija knjiga za različitu čitalačku publiku.

Izložbe slika i fotografija

Izložbe slika i fotografija koje smo organizovali u protekloj godini su sadržaji koji i pokazali veliku zainteresovanost posjetilaca. Imamo i sve više autora i građana općine Vogošća koji se bave slikarstvom, kaligrafijom i izradom raznih umjetnina i koji žele izlagati svoje radove u našem izložbenom prostoru što ćemo svakako iskoristiti za organizaciju različitih izložbi i postavki.

Likovne radionice

U cilju edukacije i afirmacije talentovane djece, planiramo nastaviti ciklus edukativnih radionica izrade radova na alu foliji za vogošćanske učenike. Sa djecom bi radilo stručno lice koje bi na pedagoški prihvatljiv i stručan način djeci pružilo osnovno znanje i metode rada ove umjetnosti. Nakon završetka ciklusa radionica bit će postavljena izložba radova polaznika ove edukativne radionice.

Vogošćanski dani

Vogošćanski dani su tradicionalna manifestacija koju će KSC Vogošća i naredne godine kvalitetno realizovati sa raznovrsnim i kvalitetnim sadržajem. Plan i program manifestacije predmet je posebnog razmatranja na sjednici Općinskog vijeća Vogošća.

Dječija nedjelja

I naredne godine planiramo prvu sedmicu oktobra posvetiti obilježavanju Dječije nedjelje pod sloganom „DAN ZA IGRU, SEDMICA ZA DJECU“. Projekat otvaramo Festivalom kulture i sporta za djecu vogošćanskih vrtića, a zatvorit ćemo koncertom za mališane. Projekat obuhvata realizaciju zabavnih i edukativnih programa svaki dan u sedmici.

Obilježavanje Dana državnosti Bosne i Hercegovine

Ove godine ovaj veliki obilježili smo u saradnji sa Općinom Vogošća kao i sa vogošćanskim osnovnim školama i Srednjoškolskim centrom Vogošća. Ovaj program pokazao se vrlo uspješnim i prihvaćenim kod posjetilaca, te ćemo na osnovu tih iskustava ovaj program i naredne godine realizovati sa još kvalitetnijim i bogatijim sadržajem.

Međunarodna smotra folklora

JU KSC Vogošća planira 2026. godini ponovo realizovati Međunarodnu smotru folklora. Ovaj događaj okupio je značajan broj publike te pobudio interesovanje šire publike u BiH i regiona te nam je cilj obezbjediti uslove da ovaj program postane dijelom redovnog programskog sadržaja Ustanove.

Zimska priča

JU KSC već tradicionalno realizuje projekat ZIMSKA PRIČA koji obuhvata dekoraciju i implementaciju raznolikog kulturnog i zabavnog sadržaja na platou ispred Upravne zgrade "Jasmin Isanović – Žuti" – Trg Branilaca Vogošće.

Projekat obuhvata realizaciju više sportskih, kulturnih, edukativnih i zabavnih sadržaja i to:

- Otvaranje projekta koncertom prvi dan zime, 21.12
- Zabava na Trgu i otvaranje klizališta
- Pozorišne predstave, kino projekcije, promocije knjiga
- Edukativne radionice
- Igraonice za djecu
- Program u povodu Dana nezavisnosti BiH
- I td.

Projekat se realizuje u periodu od 21.12 tekuće godine do 01.3. naredne godine

Biblioteka

Vogošćanska biblioteka raspolaže bogatim knjižnim fondom, a na našim policama trenutno se nalazi oko 24.000 knjižnih jedinica. Taj knjižni fond se kontinuirano obnavlja i iz godine u godinu prelazi prostorne kapacitete ove biblioteke. Redovnu obnovu knjižnog fonda vršimo na sajmovima koji se tokom godine organizuju u sarajevskoj Skenderiji.

S obzirom na veliki broj naslova, biblioteka nema dovoljno prostornog kapaciteta za smještaj knjižne građe, dok istovremeno svake godine imamo sve veći broj knjižnih jedinica. Iz tog razloga,

biblioteka zaista ima veliku potrebu za povećanim prostorno - smještajnim kapacitetom jer je postojeći prostor trenutno nedovoljan i neuslovan za smještaj knjižnog fonda kojim biblioteka raspolaže. Ukoliko se ne poduzmu određene mjere u cilju prevazilaženja problema smještaja knjižnog fonda i rasta i razvoja biblioteke, u narednih nekoliko godina biblioteka neće imati uslove za nabavku nove knjižne građe, a samim tim i broj čitalaca će automatski biti smanjen. Posebna je potreba čitalaca za čitaonicom koju svaka biblioteka treba posjedovati, posebno ako se radi o javnoj biblioteci čiji status ima i naša biblioteka. Na žalost, mi ne možemo izaći ususret čitaocima koji žele provesti vrijeme u čitaonici istražujući ili čitajući naučna djela, iako takvih zahtjeva imamo od strane vrlo ozbiljnih i obrazovanih građana Vogošće.

U narednoj godini planiramo značajnim dijelom dovršiti implementaciju bibliotečkog softvera Cobiss koji će našu biblioteku približiti čitaocima na klik. Takođe, ovaj program će uveliko olakšati rad uposlenika biblioteke, a i čitaocima olakšati pretraživanje knjižne građe te uvezati našu biblioteku sa svim bibliotekama na području BIH koje imaju isti softver.

4.1.2 Programske aktivnosti iz oblasti sporta

Pored pružanja podrške sportskim udruženjima, Ustanova realizuje i vlastite programe koji su koncipirani tako da omogućavaju klijentima svih uzrasta da na zabavan način, kroz raznovrsne aktivnosti iskoriste svoje slobodno vrijeme. Svi programi su u osnovi usmjereni na očuvanje i jačanje zdravlja, pravilno držanje i skladno oblikovanje tijela, poboljšanje opšteg psiho-fizičkog stanja, poboljšanje motoričkih i funkcionalnih sposobnosti te ublažavanje negativnih uticaja savremenog načina života i rada.

Realizacija projekata u kojima aktivno učestvuju učenici vogošćanskih osnovnih škola zavisi od prethodne saglasnosti Resornog ministarstva.

SPORTSKA DVORANA „AMEL BEČKOVIĆ“

Sportske aktivnosti za osobe sa invaliditetom i poteškoćama u razvoju

Obzirom na sam značaj ovakvog tipa projekta, kao i rezultate koje članovi ostvaruju kako na domaćim tako i međunarodnim takmičenjima, projekat nastavljamo i u 2026. godini sa našim partnerom udruženjem „Oaza“. Dokazani primjer da se kvalitetno radi jeste da se ekipa Oaze takmiči u drugoj ligi BiH u stonom tenisu, kao i da veoma često učestvuju na međunarodnim takmičenjima i u drugim sportskim disciplinama. Udruženje Oaza također organizuje razne vrste edukacija kako kulturnog, tako i odgojnog tipa. Organizator i nosilac aktivnosti je JU KSC Vogošća uz stručni

nadzor osoba partnera u projektu. Projekat ima za cilj da kroz sportske aktivnosti i druženje pomogne i pruži podršku u razvoju i integraciji u društvo osoba sa poteškoćama.

Mjesto realizacije projekta : SD Amel Bečković

Planirana realizacija projekta: januar – decembar, 2026. godine

Igre bez granica

Projekat „Igre bez granica“ JU KSC Vogošća realizuje se duži niz godina. Također, radi se o projektu koji se realizuje povodom obilježavanja Dana Armije RBiH i direktno je vezan za učenike osnovnih škola sa područja naše Općine. U skladu sa već utvrđenim planom, učesnici se takmiče u više sportskih disciplina: igrice sa raznim rekvizitima, razna takmičenja kroz poligone, preskakanje i provlačenja ispod prepona, skakanje u vrećama, obaranje čunjeva, pikado, itd. Učesnici u ovom projektu su učenici osnovnih škola sa područja općine Vogošća.

Mjesto realizacije projekta : SD Amel Bečković

Planirana realizacija projekta: april, 2026. godine

Utrka „5K NIGHT RUN Vogošća 2026“

JU KSC Vogošća u septembru 2025. godine planira po omi put realizovati ovaj projekat. Možemo sa ponosom reći da je naša trka postala tradicionalna pa je i uvedena u kalendar utrka na oficijelnom web portalu specijalizovanom za trkače. Utrka Vogošća 5K u 2026. godini će biti održana u večernjim satima, što joj dodatno daje na atraktivnosti. Očekujemo da će u 2026. godini učestvovati još veći broj građana općine Vogošća, Kantona Sarajevo, BiH i gostiju iz susjednih država.

Mjesto realizacije projekta : Jošanica

Planirana realizacija projekta: septembar, 2026. godine

Zajedničko druženje za jednakost u životu

JU KSC Vogošća u partnerstvu sa planinarskim društvom „Planinar“, RTV Vogošća, udruženjima osoba sa invaliditetom i teškoćama u razvoju sa područja Kantona Sarajevo i Općinom Vogošća, planira realizovati projekat planinarski pohod i sportsko-zabavne aktivnosti za osobe sa teškoćama u razvoju i njihove roditelje. Pored planinarskog pohoda iz Vogošće do planinarskog doma Motka organizovane će biti igre i radionice za učesnike, kao i prigodan zabavni program. Cilj projekta je društveno – korisno djelovanje i integracija osoba sa intelektualnim teškoćama u društvu.

Mjesto realizacije projekta : Vogošća, planinarski dom Motka

Planirana realizacija projekta: septembar – oktobar 2026. godine

Sportsko – zabavni program za osobe treće životne dobi

Nakon godina pokušaja da se realizuje projekat za naše najstarije sugrađane, uspjeli smo u 2024. i 2025. godini. Također planiramo nastaviti i u 2026. godini projekat koji je pokrenut u 2021. godini, za osobe treće životne dobi kroz sportsko-zabavne aktivnosti. Prethodnih godina projekat je započet, ali je realizovan tek u 2024. godini i pokazao se kao jako kvalitetan. Projekat realizujemo u saradnji sa Centrom za zdravo starenje općine Vogošće. U samom projektu bi učestvovala osobe koje bi svoje slobodno vrijeme koristili kroz nadmetanje i zabavu u sportskim aktivnostima tipa šaha, pikada, kuglanja, domina, tavle, itd. Zabavni program bi se prilagodio ovoj populaciji i organizovale bi se zabavne večeri (pozorišta, karaoke i ostale aktivnosti). U sportski dio također možemo svrstati odlaske na neke od naših turističkih destinacija. Ovim projektom želimo pokazati da osobe koje su u odmakloj životnoj dobi nisu zaboravljene i da se osjećaju sretno i zadovoljno.

Mjesto realizacije projekta : SD Amel Bečković

Planirana realizacija projekta : januar – decembar 2026. godine

BAZEN JU KSC VOGOŠĆA***Škola plivanja***

Škola plivanja za djecu i odrasle održava se kontinuirano na bazenu u Vogošći. Sva djeca od 5 i po godina i starija mogu se upisati u školu plivanja.

Planiramo i narednu godinu nastaviti sa realizacijom projekta, te djelovanje proširiti na prostor Ilijaša, Breze, Visokog, Kaknja i ostalih mjesta koja se nalaze u blizini Vogošće. Ovisno o dobi djeteta i osnovama vještine plivanja kojima dijete vlada, djeca se svrstavaju u različite skupine.

Rad u skupinama je neophodan, jer omogućava homogenizaciju i bolji nadzor, a nadarenoj djeci brži prijelaz u naprednije skupine. Naš cilj je privući što veći broj djece u našu školu plivanja.

Individualna škola plivanja

JU KSC Vogošća i ovu godinu planira realizovati projekat „Individualna škola plivanja“ za sve uzraste. Potreba za pokretanje individualne škole plivanja zbog polaznika koji iskažu želju da rade sa instruktorima 1 na 1 i koji ne mogu da prate grupni oblik škole plivanja. Individualnom školom plivanja trening će biti prilagođen individualnim potrebama.

Škola plivanja – 3. čas

Obuka plivanja se izvodi sa učenicima 4. razreda Osnovnih škola „kao dodatni treći čas tjelesnog odgoja“ sa ciljem savladavanja osnova plivanja.

Ministarstvo za odgoj i obrazovanje Kantona Sarajevo je 05.10.2022. godine odobrilo realizaciju ovoga projekta na našem bazenu.

Projekat će se realizirati u saradnji sa resornim Ministarstvom Kantona Sarajevo, Općinom Vogošća i Općinom Ilijaš.

Ovim projektom su obuhvaćene sve osnovne škole sa područja Općine Vogošća i Općine Ilijaša, a nadamo se uskoro i pojedinih drugih općina sa područja Kantona Sarajevo.

Škola plivanja za vrtiće

Projekat je namijenjen za djecu od 4 do 6 godine uzrasta.

Cilj programa je upoznavanje s osnovnim elementima plivanja kroz igru, te razvijanje osjećaja sigurnosti u i pokraj vode sa različitim vježbama. Ovakvim aktivnostima se također razvija pozitivan stav djeteta prema vodi što utječe na razvoj pozitivne slike o sebi te potiče zdrave životne navike.

Projekat „Zahvalnost ženama – simbolično, ali od srca“

Povodom 8. marta – Međunarodnog dana žena, planiramo realizovati projekat kojim želimo odati priznanje i zahvalnost damama za njihov doprinos u porodici, poslu i društvu u cjelini. U znak pažnje, svim posjetiteljicama će na taj dan biti omogućena simbolična cijena ulaznice od 1,00 KM. Na ovaj način želimo dodatno potaknuti posjećenost, stvoriti ugodnu atmosferu i osnažiti pozitivan imidž našeg objekta kao mjesta koje prepoznaje i cijeni važnost Dana žena.

Dan otvorenih vrata u okviru manifestacije Vogošćanski dani 2026.

U okviru manifestacije Vogošćanski dani 2026. godine, korisnici mogu koristiti usluge bazena za simboličnu cijenu od 1 KM za jedan sat. U 2025. godinu ukupno je bilo 122 korisnika, a korisnici su imali samo riječi pohvale i zahvalnosti na ovakvom događaju.

Ljeto na bazenu za studente, učenike i penzionere

JU KSC je krajem juna 2023. godine pokrenuo je akciju „Ljeto na bazenu za studente, učenike i penzionere“ akcija je nastavljena i u 2025. godini. Ova akcija omogućava učenicima, studentima i penzionerima da koriste bazen po nižim cijenama.

Projekat "Dječija sedmica – Dan radosti na bazenu"

U sklopu obilježavanja Dječije sedmice planiramo realizovati projekat kojim će svim mališanima i tinejdžerima biti omogućen simboličan ulaz u iznosu od 1,00 KM. Na ovaj način želimo podstaći veću dostupnost rekreativnih i društveno korisnih sadržaja djeci, te afirmisati vrijednosti Dječije sedmice kao perioda posvećenog pravima, potrebama i dobrobiti djece. Djeca mlađa od 13 godina moraju biti u pratnji odrasle osobe, dok se ulaz za pratnju naplaćuje prema važećem cjenovniku. Promotivna akcija ima za cilj povećati posjećenost, promovisati zdrave navike i dodatno ojačati društvenu odgovornost našeg objekta.

Rekreacija za dobrovoljne davaoce krvi

Naša Ustanova planira nastaviti realizovati projekat pod motom „Oni zaslužuju više“ koji je namijenjen redovnim davaocima krvi koja spašava živote našim sugrađanima. Na području općine Vogošća egzistira veliki broj naših građana koji svaka četiri mjeseca nesebično daju svoju krv za opće dobro. JU KSC Vogošća želi na neki način da ukaže na bitnost ovih ljudi, te imamo namjeru ovim ljudima kao jedan vid zahvalnosti obezbijediti jedan termin sedmično za rekreativno plivanje. Nadamo se da će ovaj projekat prepoznati i drugi resorni organi, te nam dati podršku u realizaciji istog.

Zimski kup 2026. Vogošća

Projekat koji je pokrenut 2022. godine, sa ciljem promocije plivanja kroz takmičenja, a prema klubovima i školama plivanja će se poslati poziv za učešće na „V Zimskom kupu 2026 Vogošća“. Takmičenje će biti podjeljeno prema uzrastu i plivačkim tehnikama.

4.1.3 Iskorištenost objekata kojima Ustanova upravlja**Sportska dvorana „Amel Bečković“**

Resurse Sportske dvorane najviše koriste sportski klubovi i udruženja te OŠ „Zahid Baručija“ u svrhu odvijanja nastave tjelesnog odgoja. Shodno iznesenom, broj korisnika utvrđujemo prema posjetama trenažno-takmičarskom procesu, posjete korisnika komercijalnim terminima i posjete publike.

Kada su u pitanju klubovi, odnosno trenažno-takmičarski proces, u narednoj godini očekuje se cca 70.000 posjeta.

Također, naše resurse koriste učenici OŠ „Zahid Baručija“. Prvi dio godine koristili su od 01.02. do 13.6. te od 1.9. do 31.12. i kroz časove tjelesnog odgoja prolazi otprilike 200 učenika dnevno. Značajan broj publike prati utakmice, turnire kao i druge manifestacije u organizaciji vogošćanskih udruženja. Prosječan broj posjetilaca je 250.

Turniri i manifestacije u organizaciji JU KSC Vogošća, kao i udruženja sa područja Općine organizuju turnire te se i u narednoj godini planira realizovati: turnir Reintegracije u malom nogometu koji traje od početka februara do 23. februara kada su finalne utakmice te se očekuje posjeta od nekoliko hiljada gledalaca; turnir Zelene beretke (300 posjetilaca), Ibro Kahrman Komljo (1500 posjetilaca), Turnir u boksu (300 posjetilaca), QSI košarkaški i Dan Internacionalne škole (100 posjetilaca), pripremne igre Raiffeisen banke, turnir BH telekom JOB Unija veterana i odbojkaški turnir za mlađe uzraste, karate turnir, Turnir u malom nogometu sindikata metala FBiH (cca 2.000 posjetilaca) te Igre bez granica i Festival kulture i sporta za djecu vogošćanskih vrtića u organizaciji JU KSC Vogošća oko 800 posjetilaca.

Prostor Velike sale koriste: Rukometni klub Vogošća, Košarkaški klub Vogošća, Odbojkaški klub Vogošća, Malonogometni klub Vogošća te drugi korisnici odnosno kupci.

Mjesec	Jutarnji termin 8:00-16:30	Dnevni termin 16:30-22:00	Noćni termin 22:00-23:15
Januar	30 %	90 %	50 %
Februar	95 %	95 %	80 %
Mart	95 %	95 %	90 %
April	95 %	95 %	90 %
Maj	95 %	95 %	80 %
Juni	40 %	60 %	80 %
Juli	20 %	65 %	30 %
August	10 %	70 %	30 %
Septembar	100 %	100 %	60 %
Oktobar	100 %	100 %	85 %
Novembar	100 %	100 %	90 %
Decembar	100 %	100 %	95 %

Kuglanu koriste Kuglaški klub Vogošća i komercijalni korisnici.

Mjesec	Termin 8:00-22:00
Januar	12 %
Februar	11 %

Mart	8 %
April	7 %
Maj	7 %
Juni	5 %
Juli	15 %
August	15 %
Septembar	20 %
Oktobar	25 %
Novembar	20 %
Decembar	20 %

Komentar: Prostor kuglane primarno koristi Kuglaški klub Vogošća za svoj trenažni i takmičarski proces. Ustanova ostvaruje prihod od ovog resursa iznajmljivanjem prostora za održavanje rođendana i sličnih aktivnosti te u okviru poslovnih paketa za pravna lica. Međutim, visina tog prihoda je niska iz više razloga. Između ostalih, prostor kuglane stalno prokišnja obzirom da plato koji se nalazi iznad nije saniran, a procjena neophodnih radova je visoka. Takođe, prilikom posljednje certifikacije i prijema kuglane u novembru 2025. godine, sačinjen je predračun neophodnih radova koji će biti predmetom izvođenja. Smatramo da je za Ustanovu najbolje rješenje iznajmiti ugostiteljski dio objekta što bi ovom resursu povećalo posjetu, a čime bi se povećao i prihod dvojako (zakup prostora i prodaja termina). Trenutno je ugostiteljima ovaj prostor neatraktivan obzirom da je zabranjeno točenje alkohola te je javni poziv raspisan u više navrata bio bezusješan.

Malu salu koriste: Karate klub Sambon i Bokserski klub Vogošća

Mjesec	Termin 8:00-22:00
Januar	25 %
Februar	25 %
Mart	25 %
April	25 %
Maj	25 %
Juni	10 %
Juli	20 %
August	15 %

Septembar	25 %
Oktobar	30 %
Novembar	25 %
Decembar	25 %

Salu za borilačke sportive koriste: Hrvачki klub Bečko, Judo klub Vogošća, Judo klub Champion, Taekwondo klub Vogošća i Taekwondo klub Viktory.

Mjesec	Termin 8:00-22:00
Januar	25 %
Februar	25 %
Mart	25 %
April	25 %
Maj	25 %
Juni	10 %
Juli	25 %
August	25 %
Septembar	25 %
Oktobar	25 %
Novembar	25 %
Decembar	25 %

Komentar: U skladu sa Planom evakuacije i Internim aktom zaštite na radu i zaštite od požara, ovaj prostor je uklonjen te će se unarednoj godini izvršiti dodatna preraspodjela prostora Male sale kako bi se u najvećoj mogućoj mjeri obezbjedili trenažni termini za navedene klubove.

Press salu koriste: Šahovski klub Vogošća, komercijalni korisnici i udruženje Sahan

Mjesec	Termin 8:00-22:00
Januar	5 %
Februar	1 %
Mart	0 %
April	1 %
Maj	10 %
Juni	3 %

Juli	15 %
August	10 %
Septembar	15 %
Oktobar	15 %
Novembar	15 %
Decembar	15 %

Plato i galeriju koriste Gimnastički klub Olimp i Atletski klub Vogošća

Mjesec	Termin 8:00-22:00
Januar	30 %
Februar	30 %
Mart	30 %
April	30 %
Maj	25 %
Juni	10 %
Juli	10 %
August	10 %
Septembar	15 %
Oktobar	30 %
Novembar	30 %
Decembar	30 %

Procjena iskorištenosti radi se na bazi prikupljenih podataka za prethodni period. Moguća su odstupanja u 2026. godini obzirom da je Ustanova usvojila novi Pravilnik o korištenju resursa Sportske dvorane „Amel Bečković“.

Bazen

Ukupan broj posjeta Bazenu u procjenjuje se na oko 22.500. Među njima se izdvajaju sljedeće aktivnosti i programi:

- Posjete u okviru akcije „Ljeto na bazenu“
- Projekt „3. čas“ za učenike četvrtih razreda osnovnih škola općina Vogošća i Ilijaš
- Polaznici Škole plivanja JU KSC Vogošća.

Pored velikog broja rekreativaca, bazen posjećuju i sportska udruženja te druga pravna lica sa kojima imamo potpisane ugovore putem sindikalnih organizacija. Od vogošćanskih udruženja, Bazen Vogošća posjećuju članovi:

- Plivačkog kluba Vogošća
- Plivačkog kluba Adepto
- Judo kluba Vogošća

Redovni korisnici bazena su i članovi drugih udruženja i sindikata, među kojima su: Sindikat MUP Kantona Sarajevo, Udruženje „5 Element“, Udruženje „Sport 4 All“, Vatrogasno društvo Vogošća, Udruženje „Svitanje“ i Sindikat UNSA.

Tehničke karakteristike bazena

Poluolimpijski bazen dimenzija **12,5 x 25 m** raspolaže sa **6 plivačkih staza**. Maksimalni kapacitet bazena, prema planu korištenja, iznosi **65 osoba po terminu**.

Iskorištenost bazena

Januar – Juni

Redovne aktivnosti (bez realizacije projekta „3. čas“):

- 08:00–12:00 – nizak nivo iskorisćenosti
- 12:00–17:00 – srednji nivo iskorisćenosti
- 17:00–22:00 – visok nivo iskorisćenosti

Kada se paralelno provodi projekt „3. čas“ uz redovne aktivnosti:

- 08:00–12:00 – visok nivo iskorisćenosti
- 12:00–17:00 – visok nivo iskorisćenosti
- 17:00–22:00 – visok nivo iskorisćenosti

Juli – Decembar

Redovne aktivnosti (bez realizacije projekta „3. čas“):

- 08:00–12:00 – nizak nivo iskorisćenosti
- 12:00–17:00 – srednji do visok nivo iskorisćenosti
- 17:00–22:00 – visok nivo iskorisćenosti

Nivo iskorisćenosti zavisi od poslovnih, školskih i sezonskih aktivnosti korisnika.

Upravna zgrada „Jasmin Isanović – Žuti“

Vogošćanska biblioteka u posljednje tri godine bilježi porast broja čitalaca, na što možemo biti posebno ponosni, jer u vrijeme ekspanzije digitalnih uređaja i sve manjeg korištenja literature i posjeta biblioteci, naša biblioteka bilježi porast broja čitalaca. Tokom ove godine do 01. decembra upisali smo 946 članova biblioteke.

Kino sala i foaje Upravne zgrade slabije su korišteni zbog nedostatka grijanja što je uticalo i na ukupan broj realizovanih, a planiranih aktivnosti. Najveći broj korisnika zabilježen je prilikom realizacije „Vogošćanskih dana“, a što je predmet posebnog izvještaja.

U Upravnoj zgradi, pored Biblioteke, Kino sale i foajea koji se koristi za promociju knjiga, izložbe i radionice nalaze se prostori koje iznajmljujemo političkim strankama i ostalim korisnicima.

Kino salu su po osnovu zakupa koristila razna udruženja za realizaciju svojih aktivnosti, ali i druga pravna lica za snimanje spotova.

Foaje ispred Kino sale koristimo za promocije knjiga.

Političke stranke i pravni subjekti u Upravnoj zgradi koriste ukupno 17 poslovnih prostora i prihod od istih koristimo za održavanje zgrade koja je stara preko 70 godina.

4.2 PLAN UPRAVLJANJA LJUDSKIM RESURSIMA

Iz plana upravljanja kadrovskim potencijalima u 2026. godini izdvajaju se sljedeće najznačajnije aktivnosti:

- u 2026. godini neophodan je prijem 3 nova radnika
- Planom penzionisanja za 2026. godinu predviđen je odlazak u penziju 1 radnika.

Pored potrebe da se usljed penzionisanja primi novi radnik na upražnjeno radno mjesto, dodatan prijem je neophodan iz sljedećih razloga, tj. poslova i aktivnosti koje se planiraju realizirati u 2026. godini, i to:

- Preuzimanje na upravljanje u potpunosti stadiona
- Nedostatak radnika na Bazenu radi obezbjeđenja optimalnih sigurnosnih uslova

U 2026. godini planira se unapređenje organizacione strukture i procesa rada, koja će biti usklađena sa novonastalim potrebama rada.

Kretanje broja radnika

	<i>Broj radnika 31.12.2025. godine</i>	<i>Broj radnika 31.12.2026. godine</i>
I		
Neodređeno	17	17
Određeno	3	5
Pripravnici	0	1
UKUPNO	20	23

Kvalifikaciona struktura kadrova na dan 31.12.2025. godine

<i>Kvalifikacija</i>	<i>Ukupno</i>
VSS	11
VŠS	0
VKV	0
SSS	3
KV/VKV	2
PK i NK	4
UKUPNO	20

Starosna struktura kadrova na dan 31.12.2025. godine

<i>Vrsta radnog odnosa</i>	<i>50-65 godina</i>	<i>40-50 godina</i>	<i>30-40 godina</i>	<i>20-30 godina</i>
Neodređeno	9	4	4	
Određeno	1	1	0	1
Pripravnik				
PROSJEK	47,1			

Nedostatak kadra i nedostatak adekvatnog kadra kao stalni problem značajno otežava rad Ustanove. Poslovi i procesi se sublimiraju u jedno radno mjesto, a najčešće u jednog radnika zbog čega se primarno odvijaju oni poslovi i procesi koji obezbjeđuju minimum zahtjevanog obima i kvaliteta, a što samo po sebi smanjuje prostor za inovacije i unapređenja. Nimalo ne pomaže ni činjenica da su plate u KSC-u ispod prosječnih plata škola na području Općine Vogošća (a i šire) te su i ispod Federalnog i Kantonalnog prosjeka.

4.3 PLAN INVESTICIJA I RAZVOJA

U narednoj godini planiramo realizovati sljedeće značajne kapitalne projekte:

1. Adaptacija kino sale
 - a) nastavak digitalne transformacije
 - b) izrada dokumentacije za sljedeće faze rekonstrukcije koje obuhvataju: rasvjetu, stolice, uređenje bine i pripadajućih prostorija
 - c) izrada dokumentacije za rješavanje problema grijanja/hlađenja kino sale i foajea
2. Izrada idejnih projekata i elaborata na rekonstrukciji Sportske dvorane: zamjena tribina i parketa
3. Pribavljanje neophodnih sredstava radi rješavanja sistema grijanja/hlađenja Sportske dvorane te solarnih panela
4. Zamjena bočnih portala u foajeu

5 FINANSIJSKI PLAN

R.B.	OPIS	Projekcija izvršenja 2025.	PLAN 2026.	Index 4/3
1	2	3	4	5
PRIHODI				
I	PRIMICI ZA TEKUĆE POSLOVANJE	1,184,746	1,253,100	106
VLASTITI PRIHODI		367,450	508,100	138
1	Zakup poslovnih prostora	66,000	75,000	114
2	Zakup sportske dvorane	50,500	139,000	275
3	Zakup vanjskih terena terena	8,250	70,000	848
4	Članarina za biblioteku	10,500	11,000	105
5	Prihodi od ostale djelatnosti, donacije i sponzorstva po projektima	14,300	15,000	105
6	Prihodi od reklame	5,500	8,000	145
7	Prihodi Vogošćanskih dana	5,700	15,000	263
8	Naplaćen prihod iz prošlih godina	49,500	11,000	22
9	Prihodi od bazena	121,000	131,100	108

10	Prihodi od za projekata JU KSC-a	21,000	21,000	100
11	Prihod od Zavoda za zapošljavanje	15,200	12,000	79
OSTALI PRIHODI		41,465	97,400	235
12	Vlastiti prihodi i prihodi iz Budžeta	41,465	97,400	
PRIHODI IZ BUDŽETA		817,296	745,000	91
13	Prihodi iz Općine za sufinansiranje troškova Bazena	230,000	250,000	109
14	Prihod iz Budžeta općine za "Vogošćanske dane "	58,431	0	0
15	Prihod iz Općine za sufinansiranje energenata	60,000	60,000	100
16	Prihodi iz Budžeta Kantona za biblioteku	0	0	0
17	Prihodi iz Budžeta za sufinansiranje projekata	88,865	115,000	129
18	Budžet općine Vogošća za tekuće poslovanje	380,000	320,000	84
II	PRIMICI ZA KAPITALNA ULAGANJA I INVESTICIONO ODRŽAVANJE	30,000	50,000	167
19	Doznake iz Općine za kapitalna ulaganja	30,000	50,000	167
UKUPNO I + II		1,256,211	1,400,500	111

R.B.	OPIS	Projekcija izvršenja 2025.	Plan 2026.	Index 4/3
1	2	3	4	5
	RASHODI			
I	BRUTO PLATE I NAKNADE	676,600	809,900	120
1	Bruto plate	575,000	680,500	118
2	Topli obrok	60,000	70,000	117
3	Regres	14,000	18,400	131
4	Prevoz radnika	10,000	13,000	130

5	Pomoć/naknada radnicima iz radnog odnosa	17,600	11,000	63
6	Naknade za privremene i povremene poslove	0	17,000	0
II	MATERIJALNI TROŠKOVI	537,011	540,600	101
7	Električna i toplotna energija	74,000	75,000	101
8	Komunalne usluge (voda, smeće, PTT)	13,500	13,000	96
9	Nabavka kancelarijskog materijala i materijala za tekuće održavanje	5,000	3,500	70
10	Za gorivo, registraciju i održavanje vozila	1,900	2,000	105
11	Tekuće održavanje objekata	8,900	9,000	101
12	Troškovi platnog prometa	1,950	2,000	103
13	Troškovi reprezentacije	500	500	100
14	Troškovi oglašavanja	1,600	1000	63
16	Troškovi stručnog usavršavanja	1,700	2000	118
17	Troškovi javnih nabavki	500	500	100
18	Vogošćanski dani	67,000	0	0
19	Troškovi bazena	264,000	268,000	102
20	Troškovi održavanja stadiona	0	30,000	0
21	Suorganizacija kulturnih i sportskih dešavanja	86,361	115,000	133
22	Troškovi revizije i računovodstva	2,600	11,600	446
23	Naknada za članove UO i NO	7,500	7,500	100
III	IZDACI ZA KAPITALNA ULAGANJAI INVESTICIONO ODRŽAVANJE	42,600	50,000	117
24	Nabavka sitnog inventara	7,500	3,000	40
25	Izdaci za nabavku knjiga	4,300	4,300	100
26	Oprema za obavljanje registrovane dj.	10,000	20,000	200
27	Rekonstrukcija objekata JU KSC Vogošća	18,000	11,900	66
28	Nabavka opreme i softera za Bilioteku	2,800	800	29
29	Izrada projektne dokumentacije	0	10,000	0
UKUPNO I + II + III		1,256,211	1,400,500	111

6 ZAKLJUČNA RAZMATRANJA

Plan poslovanja za 2026. godinu sačinjen je na osnovu detaljne analize nivoa realizacije prethodno postavljenih poslovnih ciljeva iz svih aspekata poslovanja u 2025. godini, te uobzirenih novonastalih prilika i okolnosti kako unutar, tako i izvan Ustanove, sa posebnim naglaskom na okolnosti vezane za preuzimanje na upravljanje novih organizacionih cjelina te prava iz radnog odnosa kao i povećanje programskih aktivnosti. Imajući u vidu navedeno, formulisani su novi poslovni ciljevi i usklađeni, kako sa potrebama nesmetanog obavljanja poslovne djelatnosti, tako i sa finansijskim mogućnostima JU KSC Vogošća.

Organi upravljanja i rukovođenja Ustanove će u planskom periodu raditi na:

- ✓ kontinuiranom pružanju usluga iz oblasti registrovanih djelatnosti
- ✓ implementaciji planiranih kapitalnih i projekata koji su od značaja za Ustanovu i Općinu Vogošća
- ✓ kontinuiranom unapređenju kompetencija radnika
- ✓ dosljednom poštovanju svih propisa, kao i smjernica Osnivača
- ✓ poštivanju svih ugovornih obaveza
- ✓ održavanju visokog stepena naplate potraživanja od kupaca
- ✓ apsolutno kontroliranom upravljanju i nadzoru svih troškova poslovanja, uz uvažavanje potrebe zadržavanja stalnih sredstava, čija stopa otpisanosti je visoka te
- ✓ zadržavanju postojećih i povećanju broja programskih sadržaja.

Shodno iznesenom, predlaže se da Općinsko vijeće Vogošća donese Zaključak:

- **Usvaja se Plan rada i finansijski plan Javne ustanove „Kulturno - sportski centar“ Vogošća za period 01.01 - 31.12.2026. godine.**

DIREKTORICA

Alisa Konaković